

Библиография

Тамбовские духовные светильники

- Библия. Российское библейское общество. – Москва, 2001.
- Протоиерей Василий Марущак. Святитель-хирург. – Москва: Даниловский благовестник, 2005.
- Сайт «Патриархия.ру»: <http://patriarchia.ru/db/text/31534.html>
- «Православие и Мир»: http://www.pravmir.ru/article_2397.html
- «Подвиги Феофана в затворе». Сайт Рязанской епархии: <http://www.ryazeparh.ru/feofan/ff13.htm>
- <http://www.krotov.info/spravki/persons/18person/1800apar.html>
- Информационно-издательский отдел Тамбовской епархии: <http://www.jmp.ru/jmp/07/03-07/11.htm>
- Официальный сайт Московского патриархата: http://www.mospat.ru/index.php?chp=_eparchies&cid=53&lng=1
- «Обретение святых мощей преподобной Марфы Тамбовской». – Журнал Московской
- Сайт Тамбовской епархии: <http://eparhia-tmb.ru/history/>
- Иеромонах Авель. Общежительная Саровская пустынь. – Москва: изд-во Сретенского монастыря, 1996.
- Санакарский монастырь. – Саранск, 2005.
- Блаженный Иларион, затворник Троекуровский. Житие. – «Соборная Весть», № 028 (ноябрь), 2003.
- Преподобная Марфа, старица Кирсановская. – Тамбов, 2005.
- Иоанн Сладкопевцев. Марфа Петровна Апарина – первоначальница женского монастыря в городе Кирсанове. (Биографический очерк.)
- Монахиня Таисия. Русское православное женское монашество XVIII-XIX вв. – Джорданвилль: изд-во Свято-Троицкого монастыря, 1985.
- «Преподобная Дария Сезеновская»: http://www.vob.ru/saints/prp/dar_sez/main.htm
- <http://www.vob.ru/saints/index.htm>
- Сайт Воронежско-Борисоглебской епархии: <http://www.vob.ru/saints/index.htm>
- Левин О. Ю., Просветов Р. Ю., Алленов А. Н. Кирсанов Православный. – Москва, 1999.
- Земная Жизнь Пресвятой Богородицы и описание святых чудотворных её икон. – Ярославль, 1993.

- «Акатовский Троицкий Александро-Невский монастырь». Сайт «Правая.RU»:
- <http://pravaya.ru/side/14/12347>
- Православные монастыри России. Краткий справочник. – Новосибирск, 2000.
- База данных: «Новомученики и исповедники Русской православной церкви XX века» Православного Свято-Тихоновского богословского института: http://kuz3.pstbi.ru/bin/code.exe/frames/m/ind_oem.html/ans

Пюхтицкие духовные светильники

- Святой праведный Иоанн Кронштадтский. Моя жизнь во Христе. – Москва, 2004.
- Преподобный Иоанн, игумен Синайской горы. Лестница. – Сергиев Посад, 1908.
- Пюхтицкий Успенский женский Монастырь. – Москва: изд-во «Новости», 1991.
- Патриарх Алексей II. Православие в Эстонии. – Москва, 1999.
- Митрополит Таллинский и всея Эстонии Корнилий. «Пюхтицкий Успенский женский монастырь. История обители»: <http://www.orthodox.ee/index.php?d=pyhtitsa/pyht>
- Святейший Патриарх Алексей. «Проблема патриаршей преемственности решена каноническим правом»: http://pravoslavie.org.ua/index.php?r_type=&action=fullinfo&id=6617
- «Алексий II, Патриарх Московский и всея Руси. Библиографическая справка»: <http://www.aksobor.ru/poslan.php>
- Иеромонах Константин (Новгородцев). О монастырских традициях (Пюхтицы). – Газета «Мир и Православие», № 6 (75), июнь 2004.
- «Интервью игуменьи Варвары, настоятельницы Пюхтицкого православного женского монастыря». «REGNUM-Балтика»: <http://www.regnum.ru/news/532645.html>
- «Блаженные старицы Пюхтицкого Успенского монастыря». – Свято-Троицкая Сергиева Лавра, 1998.
- Отец Василий Борин. – Москва: изд-во Православного братства святителя Филарета митрополита Московского, 1997.
- Светильник под спудом. О духовнике Пюхтицкого женского монастыря иеромонахе Петре (Серёгине). Авторы-составители: Схимонахиня

Серафима (Демор), монахиня Иоанна (Отрошко). – Санкт-Петербург: изд-во «Воскресенье», 2007.

«Пюхтицкая игумения». – Журнал «Балтика», № 2, 2005: <http://www.baltwillinfo.com/mp7-05/mp-07.htm>

Вл. Илляшевич. Монахиня Екатерина (Малкова-Панина). – Журнал «Балтика», № 7, 2006: <http://www.baltwillinfo.com/baltika/306/sobesednik/s02.htm>

Нина Воропаева. Подворье у истоков реки Нарвы. – Эстонская газета «Северное побережье», 2003: <http://rusarhiiv.pohjarannik.ee/print.php?sid=3993>

М. Михайлова. «Три ступени до Царствия Небесного»: <http://www.hot.ee/palomnik1/pspb.htm>

Сайт «Душевный лекарь Иоанн»: <http://www.ioann.ru/?partid=4>

Иеромонах Андрей (Иванов). Возвращение Святыни земли Эстонской. – «Православие.Ru», 2005: <http://pravoslavie.ru/put/051116143236>

«Предстоятель ЭПЦ МП Митрополит Таллинский и всея Эстонии Корнилий» (Биографическая справка): <http://www.orthodox.ee/index.php?d=arhierei/biogr>

Акафист святителю Питириму, Тамбовскому чудотворцу

Кондак 1

Избранный чудотворче и изрядный угодниче Христов, святителю отче Питириме, всем притекающим к тебе скорый помощниче! Сподоби нас недостойными усты воспети тебе похвальная сия. Ты же, яко имея велие дерзновение ко Господу, от всяких нас бед свободи, зовущих:

Радуйся, Святителю Питириме, Тамбовский чудотворче.

Икос 1

Ангелом подражатель и человекослов наставник был еси, святителю отче Питириме: от юности бо возлюбил еси Божественное учение и, сему последовав, доброму житию поревновал еси. Сего ради тебе, на Небеси и на земли прославленному, вопием сице:

Радуйся, от рождения твоего Богом избранный; радуйся на служение апостольское призванный.

Радуйся, избрание твое подвигом благочестия оправдавший; радуйся, образом жития твоего и нам путь к Небеси показавый.

Радуйся, от юности иго Христова возлюбивый; радуйся, чистоту сердца твоего до конца сохранивший.

Радуйся, яко сего ради, еще на земли сый, Ангелом уподобился еси; радуйся, яко сего ради Господа Славы выну зрети сподобился еси.

Радуйся, Святителю Питириме, Тамбовский чудотворче.

Кондак 2

Видя, Благопромыслитель Господь, души твоя доброту, направи помысл твой ко исканию динаго на потребу. Ты же, сего возжелев, еще из детства навывк еси непрестанно взывать к Богу: Аллилуиа.

Икос 2

Разум божественный имый, всю суету привременныя сласти презрел еси, отче Питириме: темже оставив мир и яже в нем, измлада приял еси образ ангельский, всего себе отдав на служение единому Господу. Таковое убо изволение твое восхваляюще, глаголем ти сицевая:

Радуйся, яко путь правый в Царствие Небесное обрел еси; радуйся, яко сим путем не-возвратно шел еси.

Радуйся, яко красная мира сего ни во чтоже вменил еси; радуйся, яко земная отринув, Небесная возлюбил еси.

Радуйся, сердце твое присно ко Христу имевый; радуйся, Тому единому служити во-жделевый.

Радуйся, разум твой в послушание веры пленивый; радуйся, в Бозе благочестно поживый.

Радуйся, Святителю Питириме, Тамбовский чудотворче.

Кондак 3

Силою Божией укрепляемь, отче Питириме, вся послушания монастуркая добре проходил еси в Вяземской обители святого Предтечи, емуже подражал еси подвиги твоими, всегда взывая к Подвигоположнику всех, Спасу Христу: Аллилуиа.

Икос 3

Имея помысл чист и душу непорочну, священства благодать еще млад сый, достойно

восприял еси, отче Питириме; темже во игумена обители избран был еси и саном архимандрита почтен, ревностно подвизаяся о спасении Богом тебе врученного стада словесного. Сего ради вопием ти сице:

Радуйся, яко вся послушания иноческая неленносно прошел еси; радуйся, яко сими на высоту добродетелей возшел еси.

Радуйся, красото смиренномудрия и воздержания; радуйся образе кротости и послушания.

Радуйся, целомудрия ревнителю, радуйся, девства и чистоты хранителю.

Радуйся, иночествующих мудрый начальниче; радуйся, всех благочестно жити желающих добрый наставниче.

Радуйся, Святителю Питириме, Тамбовский чудотворче.

Кондак 4

Бури злословия и людского мятежа не убоялся еси, отче Питириме, егда икону преподобного Аркадия, недобре писанную, почитания лишил еси. Темже о правоверии ревнуя, поучал еси паству твою право взывать к Богу: Аллилуиа.

Икос 4

Слышав и видев премногую твою добродетель, блаженный патриарх Иоаким святителя тебе нарече и паству Тамбовскую смотрению твоему вручи. Мы же, о сем веселящися, глаголем ти сицевая:

Радуйся, вся степени иноческого звания с честью прошедый; радуйся, на престоле святительском достойно возседый.

Радуйся, страже Церкви Христовы неустрашимый; радуйся, делателю винограда Христова неутомимый.

Радуйся, благовременно и безвременно паству твою поучавый; радуйся, ко Христу овцы заблудшия призывавый.

Радуйся, люди во тьме сидящая, светом Христовым озаривый; радуйся, с им от погибели их сохранивый.

Радуйся, Святителю Питириме, Тамбовский чудотворче.

Кондак 5

Боготечное светило, путь жизни твоя озаряющее, бысть тебе угодник Божий Прокопий, его же именем во святем крещении наречен был еси и к нему же присно с молитвою прибегал еси, поя Богу: Аллилуиа.

Икос 5

Видел еси, отче Питириме, твоима очима угодника Божия Прокопия, предстояща пред лицом Господа и к Нему моляшася сице: «Бессмертный Боже, хвалу Тебе воздаю, Царь бо един еси всем: помилуй душу его и сподоби сего Царства Небесного». Сего ради и мы взываем к тебе: не престай молиться о всех нас купно со Прокопием блаженным, да и нас сподобит Господь достигнути Небесного Царствия. О сем воздыхающе, похвальная воспеваем ти:

Радуйся, очеса твоя выну на небе возводивый; радуйся, славу Небесную паче всего возлюбивый.

Радуйся, непрестанными молитвами сердце твое освятивый; радуйся, мысль твою в Бозе утвердивый.

Радуйся, яко Прокопия святого молитвенника дерзновенного выну имел еси, радуйся, яко сему споспешествуя, в радость Господа твоего вшел еси.

Радуйся, яко в райских обетелех ныне пребываеши; радуйся, яко от горних высот и на с многорешных милостивно назираеши.

Радуйся, Святителю Питириме, Тамбовский чудотворче.

Кондак 6

Проповедник веры православная и ревнитель благочестия словом и житием твоим был еси, святителю Питириме. Темже духовная паства твоя непрестанно помнит и вся Российская страна достойно ныне прославляет труды твоя, имиже трудился еси, присно взывая ко Господу: Аллилуиа.

Икос 6

Возсиял еси во Церкви Тамбовстей светом Христова учения и ревностию твоею о славе Божией, святителю отче Питириме: ты бо красоту Господню возлюбив, о устроении храмов святых и о благочинии церковнем всеусердно прилежал еси. Сего ради воспеваем ти сице:

Радуйся, славы Христовы ревнителю; радуйся, храмов святых строителю.

Радуйся, благочиния церковного строгий блюстителю; радуйся чтения и пения церковного искусный учителю.

Радуйся, яко тобою Церковь Русская благоуукрашена; радуйся, яко в ней вера Христова и тобою утвердися.

Радуйся, града Тамбова славо и украшение; радуйся, всем нам защите и ограждение.

Радуйся, Святителю Питириме, Тамбовский чудотворче.

Кондак 7

Хотяя невозбранно возноситься духом в Горная селения, безмолвие пустыни возлюбил еси, отче Питириме, идеже многи дни в посте и молитве подвизался еси, овогда же со святителем Митрофаном, другом твоим, беседовал еси, воспевая с ним купно хвалебную песнь: Аллилуиа.

Новую обитель в месте пустынном, якоже тихую пристань, во славу Предтечи Господня создав и в самом граде Тамбове с сестрою твоею Екатериною обитель женскую устроив, сим явил еси нам, отче Питириме, велию твою любовь ко обителям святым. Сего ради воспеваем ти похвальная сия:

Радуйся, Предтечу Господня возлюбивый и тому в житии твоём поревновавый; радуйся, строгий подвиг благочестия в себе показавый.

Радуйся, пустыни безмолвия любителю; радуйся, поста и молитвы строгий блюстителю.

Радуйся, тамбовския дебри и леса молитвою твоею облагоухавый; радуйся, обитель иноком там основавый.

Радуйся, святителя Митрофана друже и собеседниче; радуйся, во Царствии Небесном тому сонаследниче.

Радуйся, Святителю Питириме, Тамбовский чудотворче.

Кондак 8

Странника и пришельца в мире сем помышлял еси себе, отче Питириме. Темже Небесная возлюбив, сокровище некрадомое сокровиществовал еси, грядущаго града взыска и ко Господу радостно взывая: Аллилуиа.

Икос 8

Весь исполнь любве Христовы, душу твою за овцы твоя положить готов был еси, спасение всем устроая и всем во всем угождая, не иский своея, но многих пользы, да всяко некия спасеши. Сего ради чтим святую память твою и усердно вопием ти:

Радуйся, отче благосердый, о спасении многих ревновавый; радуйся, не своих си, но ближняго искавый.

Радуйся, пастырю добрый, на пажитях тучных чада твоя духовная питающий; радуйся, страже неусыпный, от волков хищных овцы твоя охраняющий.

Радуйся, нищих кормителю и гладных питателю; радуйся сырых защитниче и обидимых предстателю.

Радуйся, яко и ныне во всяких нуждах скоро нам помогаеши; радуйся, яко и ныне всех, с верою к тебе притекающих, милостивно утешаеши.

Радуйся, Святителю Питириме, Тамбовский чудотворче.

Кондак 9

Всяк возраст и всяко сословие еще в житии твоём величаю тя яко человека Божия, и в час кончины твоя вся паства твоя плакаше о тебе, яко об обще своём. Зрящи же ты погребаме и нового предстателя на Небеси имети уповаючи, с рыданием, купно же и благодарным сердцем возглашаше о тебе надгробную песнь: Аллилуиа.

Икос 9

Ветийство человеческое не довлеет ко прославлению многих чудес твоих, святителю Питириме: новая бо купель силоамская открылась всем страждущим во источнике твоём, рукама твоима ископаннем; таже и риза твоя честная, на недужная полагаема, дарует им исцеление, и гроб твой святей явися воистину неоскудная лечебница: никто же бо с верою к нему притекаяй, тощ и неутошен отходит. Сего ради гласы хвалебными ты славим:

Радуйся, врачу безмездный, туне врачевания всем подавая; радуйся, сосуде драгоценный, целебное миро всем верным богато изливая.

Радуйся, глухих слышание и слепых прозрение; радуйся, хромых хождение и сляченых исправление.

Радуйся, расслабленных укрепителю; радуйся, бесноватых от насилия диавольскаго свободителю.

Радуйся, лишенным смысла ум здравый подавая; радуйся, в сонних и видениях по-мощь твою являяй.

Радуйся, Святителю Питириме, Тамбовский чудотворче.

Кондак 10

Спаси хотя паству твою, отче Питириме, не судил еси ведети в ней ино что, точию Христа и Сего распята. Сего ради поставил еси образ распятия Господня, знамение нашего спасения, на вратах града, да вси мимоходящи покланяются ему, воспевающе хвалебную песнь: Аллилуиа.

Икос 10

Стены необоримыя и Заступницы рода христианскаго икону дивную граду Тамбову даровал еси, отче Питириме, от неяже доднесь всем с верою приходящим токи чудес изливаются. Сего ради благодарне взываем ти сице:

Радуйся, все упование твое на Матерь Божию возложивый; радуйся, и град твой покрову Тоя вручивый.

Радуйся, икону Ея святую в щит и ограждение граду поставивый; радуйся, залог любви твоея - икону Богоматере пастве оставивый.

Радуйся, яко иконою тою чудеса многа содеваются; радуйся, яко милости Божия от нея непрестанно изливаются.

Радуйся, Богородицу нам указавый от всех бед избавление; радуйся, яко милостию Ея ты еси наша радость и утешение.

Радуйся, Святителю Питириме, Тамбовский чудотворче.

Кондак 11

Пение немолчное даже доднесь совершается у святей иконы твоей, угодниче Божий Питириме: мнози бо в нуждах сущи, ведут тя помощника благопоспешлива и молитвенника благоуветлива. Темже ныне вся Российская земля благодарне вопиет прославльшему ты Богу: Аллилуиа.

Икос 11

Светильник светозарен был еси в земнем житии твоём, отче наш Питириме, благодатно озаряя души верных. Просвети убо молитвами твоими очи душевныя и нам, в пучине греха погибающим, да благодарне вопием ти:

Радуйся, великий угодниче Божий, благочестную жизнь на земли возлюбивый; радуйся, веру, надежду и любовь даже до конца сохранивший.

Радуйся, светильниче многосветлый, светом истиннаго Богопознания нас озаряя; радуйся, луче Солнца Правды Христа, теплотою Божественныя любви души наша согревая.

Радуйся, бисере честный, сиянием Небесныя Славы сердца наша увеселяя; радуйся, каменю драгий, страну нашу православную украшая.

Радуйся, яко тобою бездну милосердия Божия призываем; радуйся, яко тобою спасение вечное получить уповаем.

Радуйся, Святителю Питириме, Тамбовский чудотворче.

Кондак 12

Благодать от Бога ти данную ведаяще, ныне прилежно молим тя, святителю Питириме: пролей теплую о нас молитву ко Господу, да сохранит Церковь Свою святую невреденну от ересей и расколов, и вся православныя да помилует и спасет, вопиющия Ему: Аллилуиа.

Икос 12

Поюще твое богоугодное житие, отче Питириме, и на Небеси от Бога прославление, величаем безчисленная чудеса и исцеления твоя, и на неусыпныя молитвы твоя уповающе, взываем ти сицевая:

Радуйся, храм Преображения Господня благолепен устроивый; радуйся, вечное покоище себе в нем предуготовавый.

Радуйся, житие твое земное благочестно скончавый; радуйся, от Царя Небеснаго венец славы приемый.

Радуйся апостолов собеседниче; радуйся, святителей сопредстольниче и сонаследниче.

Радуйся, Ангелов и Архангелов сослужителю; радуйся, всех Небесных Сил сожителю.

Радуйся, Святителю Питириме, Тамбовский чудотворче.

Кондак 13

О преславный чудотворче, угодниче Божий Питириме! Приими сие от любви наша приносимое тебе благохваление, и твоим благоприятным ходатайством избави нас от всяких бед и зол, от внезапныя смерти и будущия муки, да сподобимся купно с тобою во веки пети: Аллилуиа.

Сей кондак читается трижды, затем икос 1 и кондак 1

Молитва святителю Питириму, Тамбовскому чудотворцу

О великий угодниче Божий и преславный чудотворче, святителю Питириме! К тебе смиренно припадаем и усердно молимся: яви нам грешным любовь твою отеческую и многомощное твое заступление. Веруем бо, яко велие дерзновение имамши ко Господу и яко много может предстательство твое пред Престолом благости Его. Сохрани молитвами твоими Церковь святую от ересей и расколов, от суеврия и неверия. Испроси нам веру праву, надежду несумненну, любовь нелицемерну, в добрых делах преспеяние, в искушениях мужество, в злостраданиях терпение, в молитвах постоянство, мир и благоустроение стране нашей, здравие же и спасение людем ея.

Призри милостивно на предстоящия и молящияся пред святою иконою твоею и вся прошения их во благо исполни и всем вся в жизни временней потребная даруй, во славу дивнаго во святых Своих Бога в Троице славимаго и покланяемаго, Отца и Сына и Святаго Духа, ныне и присно и во веки веков. Аминь.

СОДЕРЖАНИЕ

Тамбовские и Пюхтицкие Духовные Светильники

Тамбовские духовные светильники	3
Святитель Питуриим Тамбовский.....	11
Преподобная Марфа Тамбовская	14
Святитель Феофан, Затворник Вышенский	13
Преподобный Иларион, Затворник Троекуровский.....	21
Преподобная Дарья Сезеновская	33
Преподобный Иоанн Сезеновский	36
Карандеевская чудотворная икона Божией Матери «Всех Скорбящих Радость»	41
Старица монахиня Мария (Матвеева)	44
Игумен Филарет (Кудинов)	72
Пюхтицкая Свято-Успенская обитель.....	77
Икона Божией Матери «У источника»	95
Святой источник	96
Блаженная старица Елена.....	99
Блаженная старица Екатерина.....	109
Блаженный старец Степанушка.....	122
Пюхтицкий духовник старец Петр (Серёгин)	123
Библиография.....	135
Акафист.....	137

Издательство благодарит Рыжкову М. А. и Чебана Н.Н.
за помощь в издании этого сборника

* * *

«Когда молишь Бога, чтобы Он был к тебе милостив, будь в то же время и сам милостивым к другим, и тогда Бог тебя слушает». (Святитель Иннокентий митрополит Московский, просветитель Сибири и Америки (1797–1879))

Храм во имя свт. Иннокентия митрополита Московского
в Бескудникове

Дорогие братья и сёстра во Христе, желающие оказать содействие в обустройстве нового храма, пожалуйста, перечисляете ваши пожертвования на счёт храма:

Храм Святителя Иннокентия ИНН 7713244210
р/сч. 40703810700020000039
в АКБ «Первый инвестиционный» (ЗАО) г. Москва
к/сч. 30101810900000000408БИК 044525408

(Адрес храма: 127474, Москва, Дмитровское шоссе, влад. 66
(м. «Петровско-Разумовская»)).
Духовно-просветительное издание

ТАМБОВСКИЕ И ПЮХТИЦКИЕ ДУХОВНЫЕ СВЕТИЛЬНИКИ

Составители
Светлана Девятова
Ольга Тульская

Подписано в печать 10.07.08. Формат 60х90/16. Бумага офсетная. Печать офсетная.
Усл. печ. л. 9,00. Тираж 5000 экз. Заказ

ООО «Артос-Медиа»
127015, г. Москва, Новодмитровская ул., д.5 А, стр.1
E-mail: artos_media@mail.ru

Отпечатано в типографии ОАО «Молодая гвардия»
127994, г. Москва, Сущевская ул., л. 21.